

## Pol nember tup nal me Taitus

<sup>1</sup> Nam Pol, miye wah tikin Got, topo e aposel tikin Jisas Kraiss. Kin si nalanatme nam pe, kin nember nam nat naiye ma mende bongolme bilip lenge miye tuweinge naiye Got si nalanatme tinge pe, noihmbwaip tinge tejeime kin. Topo e ma malanatme wusyep mise mil lenge Kristen miye tuweinge naiye ka junde kin.

<sup>2</sup> Wusyep uku ki tehei naiye noihmbwaip poi ka tejeime kin no, ka ungwisme poi naiye ya murp topo e kin nye nyermbe. Got teter yukur nende kekep topo e naitem pe, kin si nanange wusyep e e. Got yukur ka se ininge pakaiye, pakai. Kin ka ende nai uku ot.

<sup>3</sup> Ta e luku pe, dindi nup kitikin naiye Got si nalanatme pe, kin pwal poi wusyep bwore mise uku pe, ya mininge wusyep kin uku mil halhale mil lenge mitin lalme. Lahmborenge, Miye nungwisme poi si nalanatme nam naiye ma mende wah me kin.

<sup>4</sup> Nam mainge wusyep e e member malme nin Taitus, talah bwore nam iki naiye noihmbwaip poi lalme tejeime Jisas. Nam masande noihginir topo e noihmbwaip numwaiye tikin Yai Got hindi Jisas Kraiss Miye nungwisme poi sai topo me nin.

*Taitus nende wah narp moi Krit*

<sup>5</sup> Tehei kin ηaiye ηam masme nin no, nin narp Krit pe, ki ta e le e: Nam masande ηaiye na plihe ende bworerme wah sye ηaiye yukur mi e pe, ende bwore bwarme topo e na alaηatme lenge miye embep sye e oto sios nato moi embere ilyeh ilyeh tongonose. Noiheryembe wusyep hra embep ηam pe, ende gunde wusyep ηaiye ηam mana nin.

<sup>6</sup> Lenge miye embep lalme pe, tinge ka miye ηaiye ka yurp bwore bwarme yil ηembep lenge mitiη lalme. Kin ka miye ηaiye nenge tuwei ilyeh, topo e lenge talah kin pe, ηoihmbwaip tinge ka teηeime Jisas. Tinge yukur ka se yende pupwa, topo e yukur ka yende bwili e bwula e yende ηai e ηai e junde ηasande tinge, na pakai.

<sup>7</sup> Miye embep ηaiye bepteme wah tikin Got nato sios pe, kin ka miye ηaiye ka orp bwore bwarme supule. Kin yukur ka se ahra e ηoihmbwaip nihe hihwaiye, yukur ka se bep guhunuhme kitikin, yukur ka se ono e pinip bongol ende kwite kwote, yukur ka se ende louser, topo e yukur ka tukwainge wuhyau. Detale, kin miye wah tikin Got.

<sup>8</sup> Kin ka miye ηaiye ηende niharar lenge mitiη ηaiye yat yokoh kin, topo e ka ende nihararme ηaiye ka ende ηai e ηai e gunde ηoihmbwaip bwore. Kin ka orp iyar e ηai e ηai e bworerme, topo e bepeteme laip kin bworere. Kin ka orp bwore bwarme ηumwaiye gunde ηoihmbwaip tikin Got.

<sup>9</sup> Noihmbwaip kin ka teηei bongol me wusyep bwore mise luku ηaiye lenge aposel si yanange yalaηatme. Ta e luku pe, ka ininge alaηatme lenge miye tuweinge ηaiye ka ende bongolme ηoihmbwaip tinge ηaiye ka junde wusyep mise.

Topo e ka ininge wusyep bongol me lenge miye ηaiye yengelyembe wusyep mise no, lenge miye uku ka yeteke e yuworme pupwa tinge.

*Lenge mitiη sye yanange wusyep molohe yende yumbune ηoihmbwaiη lenge Kristen miye tuweinge*

<sup>10</sup> Tehei tikiη wusyep ηaiye ηam manange, ta e le e: Lenge miye tuweinge sye , tinge yaηa e teket me sande teke e mise. Tinge jarηge ηaiye ka yusyunde wusyep tikiη miye ondoh tinge. Tinge yina yinange, kom yukur tinge yupwai e mut. Kut wusyep tinge kete lenge miye tuweinge nenge na tas. Wusyep bongol e e ki nal lenge miye lalme, kom ηembere kin nal lenge Juta miye tuweinge ηaiye jande ηai e ηai e ηimeser titinge Juta.

<sup>11</sup> Ini lenge ηaiye tinge ka yupwai e mut tinge. Detale, tinge yende wah ηaiye yalanatme wusyep molohe yal lenge Kristen bamtihei ilyeh ilyeh ηaiye ka se yamba e lenge wuhyau. Yukur tatame ηaiye ka se yininge wusyep tu e liki.

<sup>12</sup> Profet miye ende tititinge Krit, somohon ki ηanange ta e le e, “Lenge miye tuweinge Krit tinge pupwa hombo e lalme. Tinge lalme miye hombo e ta e lenge yowor telpei ηaiye pupwa yende ηulmbwai yono ηai sekete.”

<sup>13</sup> Ta e luku pe, wusyep e e ηaiye ηam mana nin pe, ki bwore mise supule. Ini lenge wusyep bongole ηaiye ka yende mi me bilip tinge. Tinge ka yurp tu e ηaiye lenge Kristen miye tuweinge pe, ka junde wusyep mise.

<sup>14</sup> Yukur tatame ηaiye ka yember mungwim lakai junde wusyep yerkeime lenge loumwah tititinge Juta ηaiye yanange. Topo e yukur ka

junde wusyep erneme lenge miye ηaiye yaηa e teket me wusyep mise.

<sup>15</sup> Lenge miye tuweinge ηaiye ηoihmbwaip tinge bwore bwarme nal ηembep tikin Got pe, ηai lalme ηaiye Got ηende pe, ki bwore prihe me tinge. Kom lenge miye tuweinge ηaiye ηoihmbwaip tinge pupwa no, yukur tinge jande Krai pe, ηai e ηai e lalme yukur prihe nal ηembep tinge, pakai. Detale, ηoiheryembe topo e ηoihmbwaip tinge yukur prihe nal ηembep tikin Got.

<sup>16</sup> Tinge yanange nange tinge si sisysteme Got, kom ηaiye yarp tinge ilyeh ilyeh, topo e ηai e ηai e ηaiye tinge yende pe, ki sasambe nange tinge yaηa e teket me Got. Tinge mitiη pupwa, topo e mitiη ηaiye yengelyembe wusyep, topo e yukur tinge tatame ηaiye ka yende ηainde bwore, pakai.

## 2

### *Wusyep mise le e nal lenge Kristen ηaiye ka junde*

<sup>1</sup> Kom nin Taitus pe, na alaηatme lenge wusyep mise tikin Got ηilyehme.

<sup>2</sup> Ini lenge bwore bwore nange ka syumbe yurp ηumwaiye, topo e yukur ka yono e pinip kwote. Nioihmbwaip tinge ka teηeime Got, topo e ka yende nihararme kin topo lenge miye tuweinge no, ka se jin bongole tupwaihme hwap.

<sup>3</sup> Wusyep ηahilyeh luku na pliηe ini lenge tuweinge bore nange ka yurp bwore bwarme junde wusyep tikin Got. Yukur ka yininge ηilim wusyep, topo e yukur pinip kwote ka embep tinge, na pakai. Kut ka yalaηatme lenge mitiη wusyep ηaiye ki bwore mise.

<sup>4</sup> Topo e ka yalaŋatme lenge tesimbihye ŋaiye si yindi e miye ŋaiye ka yende nihararme lenge miye tinge topo lenge talah tinge.

<sup>5</sup> Topo e tinge ka tuweinge wahe, ka yurp ŋumwaiye, topo e yukur ka wim lal me miye ende, topo e ka yurp tuwihme lenge miye tinge. Ta e luku pe, tinge yukur ka se yende yumbune wusyep mise tikin Got juh ŋembep lenge miye tuweinge.

<sup>6</sup> Topo e wusyep ilyeh uku plihe nal lenge lahyambe. Ini lenge ŋaiye ka bepyeteme wahri tititinge.

<sup>7</sup> Ŋai e ŋai e tetehei ŋaiye na ende pe, ende bwor-erme topo e ŋoihmbwaip ŋumwaiye no, lenge mitiŋ lalme ka yeteke e pe, ka se yende junde. Ŋupe ŋaiye na alaŋatme wusyep elme tinge pe, na ininge wusyep bwore mise topo e bongol no, ka junde wusyep nin.

<sup>8</sup> Ŋupe ŋaiye na ininge wusyep tikin Got pe, ka bwore bwarme ŋaiye lenge wachaih yukur ka se yiche ŋeser. Ta e luku pe, lenge wachaih uku ka hi e pe, yukur ka se plihe yininge wusyep yende yumbune poi Kristen.

<sup>9</sup> Na ini lenge miye wah tu e le e, ka syumbe yurp tuwihme lenge miye embep tinge. Yukur ka yalaŋahme wusyep tinge, na pakai. Kut ka yende ŋai e ŋai e junde wusyep ŋaiye lenge miye embep yanange.

<sup>10</sup> Tinge yukur ka yende ŋendei me lenge miye mbep tinge, na pakai. Kut ka yasamb lenge nange tinge miye ŋaiye ŋoihmbwaip bwore bwarme. Ŋai e ŋai e luku ŋaiye tinge yende pe, ka aŋa e naŋ em-

bere elme wusyep mise tikin Got, Miye nungwisme poi.

<sup>11</sup> Got si pasam poi n̄oihmbwaip bwore kin n̄aiye kin nember Jisas Kraiṣ nate gah n̄aiye ka ungwisme lenge miye tuweinge lalme.

<sup>12</sup> N̄oihmbwaip n̄umwaiye kin uku, ka alaṅatme poi yaṅah n̄aiye ya gunde Got, topo e ya musme n̄ai e n̄ai e pupwa kekep e e. Kut ya mende n̄ai e n̄ai e bwore bwarme, topo e bepteme potopoi gunde n̄asande tikin Got n̄upe n̄aiye ya murp kekep e e.

<sup>13</sup> N̄oihmbwaip poi ka teṅeime kin bongol pe, ya murp meseperhme n̄up uku n̄aiye ka ot. N̄upe n̄aiye ka ot pe, poi ya meteke e yirise bongol embere tikin Jisas Kraiṣ, n̄aiye kin Got poi, topo e Miye nungwisme poi.

<sup>14</sup> Kin nate nule berme pupwa poi nal loutungwarmbe n̄aiye ka ungwisme poi lalme. Ka ende poi miye tuweinge ya tuhur ambaran tu e kitikin no, ya hriphrip n̄aiye mende n̄ai e n̄ai e bwore bwore.

<sup>15</sup> Nye nyermbe na ende sande teke e me n̄ai e n̄ai e le e el lenge Kristen miye tuweinge, topo e ende bongolme tinge n̄aiye ka junde. Kom n̄aiye ka yende pupwa pe, na uhyulme lenge. Na ininge topo e bongol nin tu e n̄aiye nin miye embep. Yukur na se osme miye ende ka tule nin, na pakai.

### 3

*Yaṅah n̄aiye lenge Kristen miye tuweinge ka junde*

<sup>1</sup> Plihe ini lenge miye tuweinge lalme n̄aiye ka yurp tuwihme lenge miye ondoh topo e lenge

gavman. Ka yusyunde wusyep tinge pe, ka yende ηai e ηai e bwore lalme.

<sup>2</sup> Yukur ka se yini lenge wusyep pupwa, topo e yukur ka tuhwar yotop lenge mitin sye , na pakai. Ka syumbe yurp ηumwaiye topo e ηoihmbwaip ilyeh. Ka hriphrip topo e yende niharar lenge mitin lalme.

<sup>3</sup> Poi somohon pupwa ηahilyeh ta e liki ηaiye poi jinjame wusyep tikin Got. Poi mende bwili e bwula e, topo e poi mende molohe. Poi marp miye wah tikin ηai e ηai e tetehei pupwa, topo e mende ηai e ηai e gwande ηoihmbwaip poi. Nup wula wula luku pe, poi mende pupwa ηaiye tuhwar, topo e poi mende mbep wim me ηai e ηai e lenge mitin. Lenge mitin lalme jarngge poi, topo e poi plihe gwarngge tinge.

<sup>4-5</sup> Kom ηupe ηaiye Got, Miye nungwisme poi nate gah kekep e e pe, kin pasam poi nange kin hriphrip me poi, topo e kin ηende nihararme poi. Ta e pe, kin nungwisme poi pakaiye. Kin yukur nungwisme poi ηaimun bwore bwore ηaiye poi mende, pakai. Kom kin ηoihginirme poi pe, kin nungwisme poi. Kin nungurhme poi pe, poi tahar miye tuweinge ambaran ma moto Yohe Yirise.

<sup>6</sup> Kin nember Yohe Yirise nate gahanahme poi gande wah Jisas Kraiss, Miye nungwisme poi ηaiye ηende.

<sup>7</sup> Ta e luku pe, ηoihmbwaip ηumwaiye kin ηende poi marp bwore bwarme gwande kitikin, topo e meseperrhme laip bwore ηaiye sai nye nyermbe.

<sup>8</sup> Wusyep e e pe, ki bwore mise supule. Nam masande ηaiye nin na ini lenge wusyep ende bongolme ηai e ηai e luku ηaiye ηam si mana

nin. Naiye lenge miye tuweinge, ɲoihmbwaip tinge teɲeime Got bongole pe, tinge ka ɲoiheryembe bworerme ɲaiye ka yende ɲai e ɲai e bworerme junde ɲoihmbwaip bwore. ɲai e ɲai e ɲaiye ta e luku pe, ki bwore supule, topo e ka tutume ɲaiye ka ungwisme lenge mitiɲ lalme.

<sup>9</sup> Kom ɲoihme sikirp ɲaiye pa yusyunde wusyep pupwa, topo e wusyep tetehei ɲaiye mitiɲ ka tuhwar. Topo e yukur pa yininge wusyep me ɲai e ɲai e pupwa ɲaiye lenge mwan ka poi somohon yende, topo e teketenge yile yut me wusyep erɲeme Moses ɲaiye yerkeime. ɲai e ɲai e ɲaiye ta e luku pe, ka se ungwisme poi ɲaiye ya murp bwore bwore tu e la? Pakai supule.

<sup>10</sup> O ɲaiye miye ende ɲoihmbwaip kin sikirp ɲoinde me lenge mitiɲ lalme no, kin de ka owor e sios pe, inime wusyep bwore topo e aɲa e ɲoihmbwaip bwore ni hoi tu, yukur ki sande wusyep nin pe, osme kin ka orp.

<sup>11</sup> Ni sisyeme nange miye ɲaiye ta e luku pe, kin si nasme yaɲah ɲaiye bwore, kut kin nal gan nal yaɲah ɲoinde ɲaiye pupwa. Ta e pe, kin si sisyeme pupwa kitikin ɲaiye kin ɲende, kom kin ɲende wah gande nenge nal.

### *Wusyep yuwo, topo e wusyep hriphrip*

<sup>12</sup> ɲupe ɲaiye ma member Artemas, lakai Tikikus mil ɲaiye ka yeteke nin pe, ende wah nihe ahai e yaɲah ɲaiye na ote eteke ɲam inir Nikopolis. De-tale, ɲam si ɲoiheryembe nange ɲup uku, ɲup tikin yohe bimbilye me topo e mwate. Ta e luku pe,



ɲam si ɲoihmeryembe nange ma murp moi uku mil tutume ɲaiye ɲau wilei ka si.

<sup>13</sup> Na bepteme Senas, miye embep tikin wusyep erɲeme hindi Apolos bworerme ɲaiye ka hindi yil. Ungwis lenge hindi ɲaimune ɲaiye tinge sehei e.

<sup>14</sup> Ta e luku pe, lenge Kristen miye tuweinge ka yeteke e no, ka yende junde ɲoihmbwaip bwore luku. Ka yende tu e luku no, ɲoihmbwaip tinge ka sisyeme yaɲah ɲaiye ka yungwis lenge mitiɲ ɲaiye sehei e ɲai e ɲai e. Ka asamb lenge miye tuweinge nange bilip tinge si teɲei ɲai esep.

<sup>15</sup> Lenge Kristen miye tuweinge ɲaiye yarp yotop ɲam e e pe, tinge yember hriphrip tinge yalme nin. Topo e angange hriphrip poi el lenge Kristen miye tuweinge ɲaiye ɲoihmbwaip poi lalme teɲeime Jisas Krais. Ma misilihme Got ɲaiye ɲoih mi mi kin ka si topo me yip.

**Wusyep Bwore tikin Got**  
**The New Testament in the Urat language of Papua New**  
**Guinea**

**Nupela Testamen long tok ples Urat long Niugini**

copyright © 2016 Wycliffe Bible Translators, Inc.

Language: Urat

Dialect: Yehre

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-12-22

---

PDF generated using Haiola and XeLaTeX on 18 Apr 2025 from source files dated 31 Aug 2023

b1232770-1b46-5621-8804-a5f6c65fee26